

# D7 Merimasko maršo

O logoro Komároma služilas sar centralno ćidimasko punkto pala l' ungroškê Ğom, save aźukêrenas ando bêš 1944 peski deportacija ande njamcoskê KZ-ura te bi kêrenas kote bući zorasa. Le Ğomen angêrde maj anglal ande regionalni „Zigeunerlager“ taj kotar maj dur ande Komároma, ande tvrdjava Csillageröd. Le maj but Ğoma sas te źan kodo drom telal aj kodo drom sas vunivar vuni šêla kilometrur dur. Kote selektirinas le muršên taj źuvljan, save źene sas dosta zurale te kêren bući, sas te źan o drom maj dur. But źene, kaj ašile palpale ando logoro, merenas bokhatar. But viktimur merenas vi pe l' „merimaskê maršur“ po drom kata Komároma ź' ando Njamco. Katar le 10.000 manuš, save trajinas ande tvrdjava, preživisarde numa karing 4.000 źene o genocido.



1974

2015

2006

## 💡 Źanglen tumen

...kê źi adjes źanglol pe numa xancî pa o logoro kaj sas ande Komároma taj pa leskê viktimur?

...kê ande palune śon kata o dujto ljumako marimos, kana pašilo o fronto, trade le řobon anda but KZ-ura pe „merimaskê maršur“ telal ande aver logorja?

## ✍ Tumari bući

So ĝindin tumen, so sas e namera le „merimaskê maršondar“? Roden informacija, te sas vi ande tumaro regiono „merimaskê maršur“, aj te sas, kaj sas le?

## 📷 Paj fotografija

E fotografija kaj kêrdili ando bêš 2006 śikavel jek avlija kata e tvrdjava Csillageröd ando foro Komároma/Ungro. Palal dićon le vudara kata l' „Kasematten“ ande save sas phandade le deportirime Ğom. Privatno kolekcija Szabolcs Szita, Pešta/Ungro.



<https://www.romasintigenocide.eu/kelderash/d>